



19. oktober 2010

Inatsisartut Suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

**Naalakkersuisunut apeqqut:**

**1. Suna pissutaava, misissuinerup inerneranik Inatsisartut aatsaat 8. oktober ilisimatinnegarsimanerannut, naak Naalakkersuisut pineqartoq 17. aggustimili pigereeraluaraat?**

**2. Naalakkersuisunut nassuiaqquneqarpoq, Naalakkersuisut arlaannaannulluunniit attuumassuteqanngitsut misissuitinneqarnerat qanoq paasineraat kiisalu Naalakkersuisut qanoq paasineraat suliami akuuneq. Nassuiaanerit taakku naapertorlugit Naalakkersuisut qinnuigineqarput nalilissagaat, Avalaap misissuinerar arlaannaannulluunniit attuumassuteqanngitsunit suliaanersoq kiisalu Avalak suliamut akuunersoq. Tassunga ilanngullugu Naalakkersuisut qinnuigineqarput nassuiassagaat, suliamut akuusup pineqartoq pillugu misissuitinneqarpat suut iluaqutissarsissutigineqassanersut?**

**3. UPA 2010-mi Kulturimut, Ilinniartitaanermut, Ilisimatusarnermut aamma Ilageeqarnermut Ataatsimiititaliap immikkoortoq 156-mut isumaliutissiissutaani ilaatigut allasimavoq:**

*”Kalaallit ilinniagaqartut misilittagaat Danmarkimeersuinnaannngitsunik kisiannili aamma Islandimeersunik Norgemeersunillu aammali pissusissamisuussappat nunanit allaneersunik Naalakkersuisut ilannguteqqullugit Ataatsimiititaliamiit kaammattorneqarput. Ilanngulluguttaaq Danmarkimi kalaallit ilinniagaqartut danskit tapiissutaannik SU-mik pisartagaqalernissaat kalaallit ilinniagaqarneriutaannik annaasaqaatiginngikkaluarlugu immikkut aaqqissuussiffigineqarnissaat Naalakkersuisunut immikkut kaammattuutigineqassaq. Uani Ataatsimiititaliamit immikkut eqqarsaatigineqarpoq ukiumoortumik sulinnigiffeqarluni angalasarnerit.”*

**Naalakkersuisut, isumaqarpat Avalaap ilinniartut atungaannik misissuisimanagera qulaani isumaliutissiissummi issuarneqartumut naapertuuttoq?**



**Taamaangippat Naalackersuisut qinnuigineqarput nassuissagaat, sooq Inatsisartuni ataatsimiititaliap kaammattuutai tusaanngitsuusaarneqarsimanersut?**

**4. Naalackersuisut isumaqarpat Inatsisartut aalajangernerata malitseqartinneqarnissaa pingaaruteqartoq taamaasillutillu isumagalugu ingerlatsiviup akisussaasup arlaannaanulluunniit attuumassuteqanngitsumik misissuititsinissaa – soorlu aallaqqaammulli eqqarsaatigineqartut? Taamaassimappat paaserusuppara, Inatsisartut misissuinerup inernerata pisinnaassaneraat, 2011-mi upernaakkut ataatsimiinnissaq sioqqulluarlugu, pineqartoq ataatsimiinnissami suliarineqarsinnaaqqullugu – naak ukiup affaanik kingusinaartoqalaa-reeraluortoq?**

(Inatsisartuni ilaasortaq Niels Thomsen, Demokraatit)

**Tunngavilersuut:**

Ataani atsiortup Naalackersuisut qutsavigai § 36 naapertorlugu, ilinniartut atunga at pillugit misissuineq pillugu apeqqut nr. 2010-177 akimmassuk. Akissutip kiisalu misissuinerup inernerata Kultureqarnermut, Ilinniartitaanermut, Ilisimatusarnermut aamma Ilageeqarnermut ataatsimiititaliamut saqqummiunneqareernerata kingorna apeqqutinik malitseqartitsinissaq pisariaqalersimavoq.

Demokraatit ilinniartitaaneq sakkutut pingaarnepaatut isigivaat kissaatigineqartut pisariaqartinneqartutullu aningaasarsiornikkut ineriartorneq kiisalu atugarissaassuseq angujumallugu. Taamaattumik qaammatini arlalinni Naalackersuisut peqquneqarnertik tunngavigalugu misissuititsinerata inernerata takussallugu qilanaarisimavarput, taanna sakkutut atorneqassamat pisarialimmik aalajangernissami.

Qularinngilarput, ilinniartitaanerup iluani annertuunik unammilligassaqluta – unammilligassat pisariaqartippaat, uangut politikerit pisarialimmik eqiiganissarput aamma pisarialimmik piumassuseqarnissarput pisariaqartitsineq naapertorlugu isumalluutinik atuilluta. Taamaattumik Demokraatini paasiuminaatsipparput, Naalackersuisut Avalak – uangut tugitsinniit suliami akuusutut isigisariaqartoq – misissuitissimamassuk.



Killormut Avalak pisuutinniנגilarput misissuisimaneranut. Paarlattuanik Avalak nersualaarupparput iliuuseqarsimammat. Taamatulli oqareerluta, isumaqarpugut, uangut Inatsisartuni ilaasortatut pisinnaasariaqaripput, pisariaqartitatsinnik ilisimasanik tunngavissinneqarnissarput taamaasilluta kikkunnut tamamut iluaqusiisumik aalajangiisinnaaniassagatta – tamatumani aamma ilinniartunut. Tamanna anguneqassappat, taava Naalakkersuisut qulakkeertariaqarpaat, paasisstissiissutigineqartut illuinnaasiornersut illuinnaasiunnginnersulluunniit apeqquuserneqarsinnaanginnissaat.

Apeqqutit akeqquneqarput ullut suliffiit naloginnaasut qulit iluanni.